

Investigacion di caso di Natalee...

## Joran a demostra di por wanta "presion" pa casi un luna caba



Mama di Natalee a yama e rumannan Kalpoe pa criminal.

ORANJESTAD (AAN): Awor cu autoridad tin solamente Joran van der Sloot cera den Prison, pendiente investigacion rond di desaparicion di e estudiante Natalee Holloway di Alabama... kico mas e tin pa divulga.

Expertonan ta kere cu si acaso e hoben Hulandes tin algo di haber cu e caso, anto e tin un 'capacidad di wanta presion' nunca antes bisto. Si awor el a haya sa cu e dos amigonan di dje a sali liber di voor-arrest, esey por pone cu e ta bay 'cera' aun mas y laga nada mas los for di su boca.

Si pa como 1 luna largo e hoben no kier basha abao, aunke el a cambia su storia na por lo menos 7 ocasion, ta parce cu e lo no 'bashar abao' mas tampoco.

E liberacion di e dos hobennan Kalpoe ta algo cu hopi observador a bin ta pronostica. Ta conoci cu e anochi di 29 di Mei 2005, cu Joran a usa su celular cu

pone nan tras di trali. Pero autoridad ta disgusta cu nan tambe a participa den e 'storia falso' na comienzo cu a pone nan riba un mal pista. Tur e tempo valioso ey a bay perdi, sigur door di e storia falso ey.

Famia di Kalpoe tabatin plan pa haci un viahe proximamente pa Suriname, pero e mama a declara na DIARIO cu nan a cancela esey.

Pero esaki no tabata suficiente pa famia di Natalee. Durante un conferencia di prensa yama Diamars mainta, e mama Beth Holloway Twitty a haci un suplica yen di lagrima pa otro paisnan no permiti e dos rumannan Kalpoe di drenta. E ta teme cu e dos ruman aki lo por trata di bandona Aruba. Pa colmo, no tin

ningun ley cu ta prohibi nan di haci tal. Y esey ta algo cu e famia no kier compronde.

"Dos sospechoso a worde libera ayera kendenan ta involvi den un crimen violento contra mi yiu muher," Beth a declara. "E criminalnan aki lo worde permiti no solamente di cana liber mey-mey di turista y ciudadanonan di Aruba, pero tambe no tin ningun limite di unda nan por bay."

El a haci un suplica na Gobierno di Aruba pa no laga e rumannan bandona e isla, y ta pidi pa informa State Department di Merca si acaso nan ta trata di huy di Aruba.

E declaracion emocional aki den oranan di mainta, a causa varios reaccion. Uno di nan a desaroya su mes den un manifestacion den oranan di atardi, unda Arubianonan

a bisa cu nan kier stop tur e negativismo aki.

Un experto local, a bisa cu loke e mama di Natalee a bisa, ta algo cu no ta bon. Ta incorrecto cu e ta yama e rumannan aki pa hendenan criminal, pasobra Huez no a dicidi esey ainda. "Inocente te ora bo worde proba lo contrario den un Corte." A ser bisa, cu un hende hasta a conseha famia di Kalpoe, pa exige un rectificacion di famia Holloway riba e declaracion ey di "criminal".

Mester compronde cu leynan di Aruba ta asina. Pasobra si socede despues cu bin algo cu ta mustra den nan direccion cu nan ta culpable, semper bay e Huez Comisario por duna un orden di detencion atrobe di rumannan Kalpoe. Den pasado esey a yega di socede.

intencion di yama 4 diferente hende pa pidi un "lift" for di Carlos 'n Charlie's.

Yamada Number 1: E persona no identifica aki a nenga di bay Oranjestad pa duna Joran un lift cu su "chick".

Yamada Number 2: E persona no identifica aki a nenga di bay Oranjestad pa duna Joran un lift cu su "chick".

Yamada Number 3: No obstante cu ta Diadomingo y religion di rumannan Kalpoe ta prohibi cualkier 'festividad' riba e dia ey, tog nan a bay di acuerdo pa duna Joran un lift cu su "chick".

Yamada Number 4: Esaki nunca a worde haci, pasobra ya caba Joran a haya un lift.

E rumannan Kalpoe a keda insisti, cu nan a djis duna Joran un lift cu su 'chick'. Nan a agrega cu e 'chick' aki mes nunca a introduci su mes na nan. Ora cu nan a baha Joran y e 'chick', eynan e storia di nan a caba tambe.

E hecho cu nan a fungi djis como un 'medio di transporte', kizas ta loke a